

0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29

deli  
得力集团有限公司  
No.6230



436  
1180/2







22071

謝作詩

若思親奉試去我以貴錄未使此上

致開出無言言密託

榮弟青博無名長北上

遠出銀麗何能公馬坊亦胡龍或

沙月白焉錄何樹香瑞為物人有竹

意是為獨我欲寫案細神心

贈雲各務郎博

三楚美高夜越然弟一洗銘輝

得致書錄文書陰何志才筆並貴剛谷佳









附作詩

弟懋觀參議去秋以貴藩表使  
茲聞由蜀中歸任長言寄訊



愛弟書傳鴻鴈少癡兄夢落關河長北上  
道出銅駝陌南歸路經金馬坊赤湖龍飛  
沙月白丹徼猿啼煙樹黃鸝傍人有何  
意悲鳴憐我欲霑裳

絕妙無  
字不工

贈雲谿楊郡博

三楚求高俊超然第一流谿深通畫舫雲  
鎖護書樓文藻陰何並才華董賈酬蒼生





望霖雨黌舍莫淹留

鐵樓獨坐懷中豁忽得北來手札

落月屋梁須好在別夢迢迢將柰何白頭  
柱史青牛駕錦里先生朱鳳歌點蒼烟霞  
護禪榻龍闕雲樹通虺河山光滿樓獨坐  
久附書江雁忽經過

湖夜放艇

萬頃波光弄碧漪滿湖雲散欲何之揚颿  
忽近桃花浦鼓柁聊歌黑水詞不睡驚鳧  
沙上叫無腔野笛月中吹醉豪談笑多高



興擊碎雕螭玉屈卮

登樓滂興兼懷升菴

南國春風忒駘蕩鐵樓縹緲青山曠樓南  
臺榭近星底轟轟雄飛飛鳥上近墻池滿  
菰蒲生沿溪樹密絲鷓鳴漆園經上人間  
世痛飲廚中阮始平逃名歛迹在城郭寂  
寞寬閒類林薄不登依劉王粲樓肯投仕  
漢揚雄閣落蒼細逐閒雲歸綠樹陰濃胡  
蝶飛高談不逢閔仲叔才調須傾杜紫薇  
故人客居有何事寫韻窮蒐科斗字高曉



烟月海莊深堂前樹映山中寺雲外僊梯

迴莫攀香如方丈隔塵寰舉杯試問嫦娥

月夢裏簫聲咽曉關跌蕩可及落

半谷山居詠懷忽得吾弟懋觀陞湖

廣按察副使報志喜

半谷複蓀三畝居仙人樓閣近吾廬煙霞

獨鎖盈階樹蟬蠹須防滿架書枝上啼聲

催撥穀沙頭飛影急攬雖鷄白雲黃鶴題詩

便赤廡青驄轡初

秋暮古律



棲逸愜幽曠撫景倚南牕羣雀鬧深龍去聲  
斲龜蟠漏紅黛翠山光淨濤渟水勢降滿  
空秋思迴近寺晚鐘撞

寄松泉夏冢宰

都城傾蓋已多年滇海離杯憶昨筵龍護  
班行旗影近鳳盤宮殿履聲傳勲名不啻  
周姬旦文字還超漢馬遷廣霧郇雲消息  
遠楚湖燕樹夢魂牽

升菴題白龍寺詩云詩人張禹山喜  
用白龍字何事獨無詩留題白龍寺



附  
援筆成篇解嘲云耳

龍從白龍寺照耀金馬關登樓一以望龍  
過白雲間題詩浼龍去辭墨鐫嶠顏寺僧  
感我意好謝謝東山

寄升菴

逐臣作客棲荒村民居鄉杜柴門龍關  
樹深顏雲黑虹橋路遙江月昏隣雞喔喔  
破曉夢城燕喧喧消別魂參差心賞荏苒  
戔濁稟磁甕誰與論

春情



鐵樓照耀明詩臺霽色滿空煙霧開紫階  
獨望鳴鞭路白首猶貪中聖杯嬌鶯藏柳  
啼不斷野鳥親人他自來年年啟門此春  
日花深地僻心悠哉

散步

流光軋軋只蹉跎散步郊園野興多鳥曳  
片雲投古樹漚疑驚舫沒深波乍飛乳燕  
愁無那初放桃花意若何少日江湖空浪  
迹暮途丘壑獨吟哦

閉門自貽



經歲經年不出門看花賴有最寬園堤邊  
綠柳舟船繫城內黃雲虎豹尊流涕不須  
憐賈誼著書何處覓虞翻編摩銀案酬濠  
帙潦倒瓊蘇泥酒樽

碁局

世故如碁局生涯付藥園登山尋鶴履伐  
樹歎龍蹲毒霧迷山市烘霞護水村荒城  
巖武備戎馬戰雲屯

冬夜山樓見月懷升菴

夜長獨對樓上月月斜獨觀樓外山纔看



孤鳥宿庭樹  
倏見歸鴈下  
江灣吟詩轉覺  
情懷惡  
一夜渾無一時樂  
一刻渾如一歲  
長月華山色偏蕭索

得譙雲阿叅伯疾  
終于滇藩信靈觀  
已還蜀省  
投淚短賦

英雄魂夢落昆池  
準擬滇人立官祠  
碧海路遙孤鶴去  
錦江雲散一龍悲  
栢臺聲譽星辰動  
薇省輝光日月垂  
悵望關河丹旆  
遠白頭  
抽筆賦哀詞

辭苦句真與杜  
甫哭嚴武同調

童謠



青山崩綠水涸黃口小兒捉黃雀黃雀亂  
飛小兒叫黑雲壓倒白馬廟

春晴携妓遊龍泉寺縱飲通宵

南中春色照孤城城外龍池春水生桃花  
齊開紫陌遠楊柳故垂黃鳥鳴薰服勸觴  
客盡醉染衣談偈我何情銅龍漏沈銀燭  
短淹畱歸馬遲  
黎明

惹

飛蒼春色滿城中照得園林處處紅惱我  
情懷翻作惡惹他蜂蝶鬧成叢



夢

堂前五株桃門外五株柳窮憐子美便題  
詩醉憶淵明須縱酒詩成愁轉多酒中樂  
如何桃花落地無顏色柳絮霑泥飛不得  
絕徼豺狼無日無白頭春夜夢江湖

春日閒居襟興

藤齋石室烟濛濛檻蜂墻蝶花茸茸春水  
乘船夏仲御夜月彈琴阮嗣宗白首驅雞  
白雲外紅顏走馬紅塵中世事茫茫愁黯  
黯豈憂瓊粒欣年豐



春日村居

雪消野水濶  
樹暗遠村平  
寂渚輕鷗舞  
淫隈野鷺鳴  
養痾拋酒盞  
挈杖訪田更  
朱旭紅桃映  
晶晶著處明

湯興

丹徼關河鎖  
寂寥白頭踪  
跡付漁樵秋  
砧滿院蛩聲切  
春枕臨窻日  
影高高避世君  
平還賣藥登  
仙子晉亦吹  
簫無論杜老  
詩中廈好汎  
莊生芥裏均

晁寬園間作



春色鐵樓滿寬園艸萋萋遊絲遠近落幽  
鳥斷續啼兵甲虜塵散豺虎瘴烟迷銜盃  
竹葉按挈杖挑荅蹊

得湯右卿於戊申冬捐館消息援筆  
枚淚寫長句五首

雲樹微茫歎瑟居二年江水絕雙魚祗疑  
附鴈無邊使豈料騎鯨託計書玄髮夜臺  
應念子白頭塵世獨憐予臨風宛若音容  
在目斷吳天萬里餘

楚東高人已化去江漢遙遙牽我情獨為



何休須痛哭每因李白幾吞聲海內有人  
藏翰墨山中何處是佳城燕臺別後瞻雲  
樹悵望遙天淚且傾  
南國佳人交誼深北來消息委難禁清才  
共擬豐年玉先世能辭暮夜金碧海雲垂  
龍榻翼青田霜冷鶴無音墓前烟雨碑銘  
在陵谷淒涼猿夜吟  
憶在長安旅舍中斷金踪跡有誰同題詩  
滿壁燈花燦對月銜盃竹葉濃遼海鶴歸  
雲漠漠長河龍去雨濛濛鐵樓哀慟揮毫



處落日西風思不禁窮

海內聲名湯錄事載書常過米家船鄭莊

置駟賓客盛王維賦詩圖畫傳江漢風流

還綠髻堪與菟兔已黃泉雙瞳炯炯剪秋

水龍馬精神應可憐

湯楚東可以不朽不必銘墓矣

寫懷寄升菴

龍蟠鵬運何所擬傳龜躍馬馬足云荒城

藏山瘴烟合遙關阻途歧路分燕鶯聲苦

亂春思烏蟾輪轉傷離群夢中同醉虎丘

月樓上獨望虹橋雲



檣散

檣散頑姿寂寞鄉  
 朱霞紅旭照丹房  
 塵心消盡棲香界  
 野性難羈上酒航  
 樹納晚雲歸鳥疾  
 波翻晴日浴鷗狂  
 樵聲釣影長親近  
 濯足瓠瓜繫大荒

辛亥元旦長句

今歲首旦物色好  
 梨萼桃蕊欲生香  
 獨憐兵甲虜塵黑  
 無那烽火瘴煙黃  
 愛弟乘驄楚塞潤  
 長兒跨馬燕山長  
 年逾古稀頗強健  
 後飲屠蘇猶自狂



是月廿九日得長男梧于去歲仲冬  
之廿寄來家書知梧寓京師平安且  
知虜塵不競雨中口占志喜

春兩關河北鴈來成蹊桃李爛成堆豈憂  
楚塞雲常蔽獨喜天驕勢已摧書抵萬金  
還價重燭從連夜有花開鐵樓醉倚紓懷  
抱滿眼兒孫亦快哉

寄重慶守李湫南

專城迴著循良績按藻還收詞賦名萬里  
山川難見面十年雲樹獨關情巴江水濶



蛟龍起嵩嶽天高鳳鳥鳴春暖蘭津鴻鴈  
杳月明巫峽夢魂并

寄升菴

李膺范滂同節義張融孫綽並文名歸夢  
應迷杜宇國携妓且醉昆明城馴階幽鳥  
須寂寞乘時翼虎何縱橫光轡影移頻  
歲秀木寒煙隔幾程

鐵樓夜坐通宵閒作

獨甘山林之困窮豈慕鐘鼎之富貴飛霞  
紫館閒遊升旭紅窗穩睡白日蔬飯三餐







白頭棲息山中屋雲裏白龍檐外宿夢登  
 黃鶴仙人樓花發青牛道士谷花落春殘  
 春可憐夢中夢上楚江船山花不蔭紅塵  
 影幽夢常懸紫蘿邊四字好夢栽松蒔藥紓幽  
 抱點檢丹經倚丹竈昨聞虜火犯皇畿  
 倏見蠻烽起丹徼烽火兵戈將奈何經年  
 淫雨更滂沱天時人事只可惱山中聊詠

紫芝歌

雄渾宕麗  
不煩絕削

新體閒咏

裕裕山谷叢叢竹蕭蕭細雨鮮鮮菊閔閔



烟光靄靄村窄窄委巷寬寬園斑斑石枕

軒軒睡薄薄隣酒醺醺醉小小軒窗弓弓

書枝枝鳥雀池池魚濶濶長夜淒淒候總

總蛩韻沈沈漏擾擾干戈寂寂城啖啖虎

豹宵宵鳴麗此疊字詩有六朝白法曾記王

上錦衣斑復斑空庭月色閑復閑道長路

遠山復山與此同工皆自創一體也又記

而無著境公獨而雙照觀惺惺而搏緣玄玄

忘緣之後寂寂靈智之性歷歷無記昏昧

此昭昭契本真空的不的因讀疊字無記昏昧

同斯文無華梵之別也傳大士與寶智公

寸

上



之能及 淫雨三首

經月經旬雨不休 遙關野戍通漁舟虎豹

喜城郭浮百蠻瘡痍淚空流

山中城中雨不歇 星回節候無炎熱米價

翔饕殮缺嫠婦飢民淚成血

一雨連綿已六旬 憂時誰肯卻魚殮虎有

翼蛇有鱗城內人家早閉門

丹青

賈長沙流涕書為何事 韓潮陽佛骨表有

何<sup>意</sup>一時國史一收之 萬古丹青照天地



我有書不能投  
我有表空自收  
三絳兵戈不肯息  
九隆象馬亦堪憂  
乘時翼虎乘風  
出漢人歡笑  
夷人哭塗炭  
瘡痍不忍言  
寒烟滿地逃  
亡屋逃亡屋  
將奈何  
蘭津渡赤虺  
河世事無端  
只可惱  
長沙潮陽何足道  
僊人樓閣好盤桓  
我欲從之無羽翰  
時事傷心口號  
忍見鬻男鬻女  
忽聞點馬點軍  
黎庶瘡痍比屋  
川原豺虎成群  
邵母史太安人  
挽辭用古韻



媿晉欵萋賦靚嬌猷固然藻蕒修儀備齒  
 真故泛泛冰雪堂敷肅訐澤何闐闐放奕  
 鍾婦喆蠹叟仇母取特行良斟罍偽業羨  
 鄉間息費博龜艾庭雋勦滇西毒沈鸞塌  
 翼閣迴崩孤騫月甌錦鞞露陌丹旌展  
 庠靄兮宮閑僊馭隔紅塵裁暮觀自窈寒  
 寮際空山草俛沐僉詰鴻詔昇岡阡與譽  
 赤管飢茨崑竹繁懸此詩辭韻及字皆瑰邁  
奇古類元次山樊宗師  
禹山之詩文可謂魚備眾美矣  
 排憤雜咏



天時人事須垂淚湖海山川摠可哀五玉  
不欺遭楚削六經何罪作秦灰錦鱗紅尾  
嚴光水燕國黃金郭隗臺熊夢箕星須好  
在騫槎喬履亦悠哉

元江行

元江官軍血且磔苦戰身死徐方伯主兵  
逃匿營壘空漂血流丹寃骨白神鎗火砲  
棄不收倒持太阿授蠻酋府庫金銀三十  
萬公賞私逋一時散六月出師應可憐蠻  
中瘴癘正迷天縷縷釣藤垂黑霧叢叢毒



葛吐黃煙後人須雪前人恥莫遣軍中鼓  
聲死安得猛士集如雲殲殄渠魁淨邊鄙

絕妙此必  
傳之作也

茅廬

紅泉深處有茅廬花隱鳴鳩水護魚小艇  
溪光雲聚散短檐山色樹扶疎祇尋杜甫  
耽佳句肯學楊夔著穴書滄海白鷗須浩  
蕩忘機忘偶更忘吾

淫雨

秋風滂沱何太雄墻垣崩塌隣園通古城雲



過樹浮動野戍舟泊山麓從

待花

愛花終日待花開  
花未開時蜂蝶來  
纔見花開又落尋  
花蜂蝶只空回

感時自排二首

丹徼關河屬犬羊  
赤虺城郭有豺狼  
江邊烽火連三絳  
雲裏旌旗蔽點蒼  
野岸殘花寒露濕  
夕陽衰草斷烟黃  
居蓬衣白尋樵徑  
縱酒談玄艤釣航  
萬里關河真宋漠  
黃霾赤霧逗紅曛  
馬援



廟前銅柱雨孔明祠外鐵橋雲滇南烽火  
通夷壤冀北兵戈淨虜氛高飛海鶴應無  
伴深浴波鷗豈戀群

寄揚方洲太史

蜀中文藝由神禹後代才華出謫仙江漢

英靈通日月瓊瑤詞翰動山川孤臣跡比

湘潭客萬古名傳獻納篇湘潭客獻納篇奇甚廿載

神交雲樹迥一鴻雙鯉附花前

辛亥十一月六日寄壽升菴

博南山人人之僊赤麟朱鳳來遙天誰獻



王母玉文棗共醉老子蟠桃筵景星光映  
南斗外梅萼香垂東閣前龍駒現瑞海屋  
近赤斧山圖齊大年

懷李仁甫

鴈去鴈來憐遠別  
花開花落感流年  
兩關龍蟄蒼山外  
三塔雞鳴古寺前  
道德經傳尋李耳  
斗牛槎泛屬張騫  
赤河夜月遙牽  
夢黑水春波好放船  
工緻  
英獨  
英照  
季冬望見雪因山城無雪  
偶見故駭是  
夜雷聲撼屋欲倒  
故驚感時觸事因懷



升菴口占長句

現龍郡城薄霄漢  
霽虹橋迴真崔嵬  
衰年駭見山頭雪  
臘月驚聞地底雷  
漏江桃花已落盡  
錦里詞臣猶未回  
歟雨客舍久宗  
漠荆棘門巷亦悲哀

桃葉

漏江桃葉經年綠  
臘月初旬花便開  
未到立春花落盡  
尋春蜂蝶定徘徊

閣夜

古城銅漏咽  
高棟鐵樓新  
蠻貊干戈日  
乾



坤老病身動林風五色照水月重輪竹葉  
深盃興飛花獨夜春

紫烟亭閒坐懷升菴

萬里孤城放逐情淹留踪跡在昆明嚴陵  
不必逢光武賈誼還須弔屈平暮雨海樓  
通古寺鄉關春夢度遙城飛花院落停雲  
處愁聽隣園獨鳥鳴

雪夜不寐是日梁燕初來

鐵樓停燭久栖燕画梁崇春夜孤城雪寒  
窗野寺鐘銅龍沉漏咽爐鴨細煙空催曉



雞三唱眠林鳥一叢

滇民以青天擬石梁郝兵憲特為長句

代謠紀實以昭事耳

令德巍巍擬秦元坦然高遠覆南滇河山

鎖鑰百蠻服岡阜謳歌萬口傳馬援勛功

銅柱迴孔明聲譽鐵橋懸柏臺驄馬長鳴

處玉案清光海月圓

題石梁贈郝公

濟川才迴古所難崢嶸吾道窺波瀾烟霞

徙徙白鶴遠江漢  
直齋直齋朱龜蟠白鶴亦杜



詩無復隨高鳳空餘泣聚螢之例且朱菴

事奇而僻茲借禹山佳句傳之以發其隱

亦奇雲鵬五色海風立霜驄六月壺冰寒

事也穎達政要已入室杜甫佳句還登壇此詩極佳

此公之清節一時欲鳳也實不負其詩矣寄贈簡西嚳

碣石昆池萬里遊梁州踪跡侶并州鷓雪

獨過安道宅塵月頻上元規樓金門獻賦

且留滯玉塞論兵還隱憂遙憶空侯朱字

夢長吟天際識歸舟

古今

寸作

七



今代是非焉足論  
古人出處亦堪嗟  
耕辛還烹綠鶴鼎  
出關須駕青牛車  
萬里風竅虎象惡  
孤城黎庶瘡痍賒  
江湖涕淚白日短  
荻岸葭洲藏釣槎

春氣行

小樓傍山春氣浮  
桃花楊柳小溪頭  
紅雨疑飛武陵岫  
綠陰恍拂武昌樓  
武陵武昌俱宋漠  
不見漁郎與黃鶴  
花開柳發鶯燕  
驕柳敗花殘  
風雨惡君不見  
武昌柳  
武陵花  
仙踪塵跡總堪嗟  
又不見樓外花溪邊



柳雨灑風吹不長久黃鶯紫燕轉生愁斷

送春光須罷手

此詩絕妙

春園雜興

春塘水長泛鳧鷖濁醉園亭護鏡樓微雨

近花蜂蝶鬧野烟迷柳燕鶯愁城高轉覺

青山小雲過常疑綠樹浮此句絕妙肯為封侯

憐李廣祇緣吹笑劍識莊周

憶舊遊感近事寄升菴

紅顏傾蓋古燕城灤翰流傳招匠驚聯句

孟韓垂潤色屬文袁祖媿齊名春風海濶



魚龍醉山夜天高鶴鶴鳴鄉夢關河通劍閣客窗煙雨滯昆明

偶出

歛迹城中不出門春日郊遊携酒尊馬蹄  
偶涉青苔寺鴉翅渾翻綠柳村漫興詩篇  
聊自遣憂時心事對誰論遙關擊柝歸途

晚初月微升海對昏

元旦二首

浮生七十又三年一度逢春一惘然丘壑  
野情何事擾乾坤虛譽有詩傳桐江已遂



嚴陵釣酒肆須同李白眠  
吾道零吾還零  
偶機鷗相傍轉相憐

乾坤偃蹇踈狂客  
海鶴林猿踪跡孤  
自是此身棲白屋  
從來無夢到皇都  
傷春不欲  
飛花放多病  
還須藥餌扶  
幽谷遷鶯消息  
近樽壘  
傾倒罄屠蘇

吾隱處

吾隱處孤城中  
紫霞縹緲青山空  
客相遇  
無迎逢  
宋寥門巷長  
蒿蓬  
醉豪欲向花邊  
宿手擊雙壺  
碎青玉髮已白眼  
猶青若遇



附

六

仙人王子晉緱山明月共吹笙

紀甘露四言古詩三十韻贈岷峨崔

憲伯惟公之斯遭斯露之降于行臺

之庭之松也其異乎其異乎舍嘗聞

允德盛道行之代華京巨會之所或

間有之亦以人之醇德精誠極其至

斯獲斯遭也滇會遐圻也揄尤會之

徼也茲其昉乎固尤異也謹綴蕪詞

闡之詞曰

偉哉懋哲越極真鋼憲度閱遠廡電驄霜



埶賢游夏值世虞唐遺直遺愛備美齊臧  
聲化鶴鳴德為龍光昭格幽顯瑞澤弘昌  
天氣垂氤寶露瀼瀼地氣騰氲庭樹煌煌  
後凋性實其穰其將金莖僊掌飢飢翽  
珠燦霑條天酒滋漿匪神害霈璫爵飢醴  
歛焉靈貺值茲陽春西蜀葛栢南國召棠  
蒼麟震曜白鳳盤翔胡繩百末害喻馨香  
雕題鏤臆忻舞如狂惠流丹徼頌聲洋洋  
巍巍紫落瑩瑩點蒼荆玉擬質湘芷慙芳  
椒蘭飴醴厥味殊常行臺冰雪燁燁炎荒



絲絲胤息福祉無疆無疆害窮奕世餘慶  
歷千萬禩袞袞巖廊繪圖闡異燭煜金湯  
鄙哉外史詞才靡長害以昭事害以發揚  
粵維赤管斯稱斯張辭雄氣  
渾甚妙

懷升菴

岩岩蠶叢客栖栖碧雞岑孤鴈息霜浦玄  
媛振春林漢節凋落盡胡雪霑衣襟滇海  
集烟霧白晝常苦陰撫劍中夜起龍光隱  
洪音重暉消息好茲其凝爾心

升菴夢吟舍丁卯客京懷歸詩晨起



遂聞前星之詔消息書來見示此

非竒兆神契乎口占長句寄贈

舊詩新夢成竒事庭樹生光霽鵲棲環

召五雲籠玉鶴前星雙闕照金雞蘇卿

歸國胡瓶散韓愈還朝雪馬嘶胡瓶雪馬甚

彩鷁有期遊錦水彤駟何日發朱提

放言

翔禽啼鳥護園亭九處林塘處處青鐵笛

溪邊風細細玉壺花下雨冥冥杜陵佳句

嚴陵釣謝客新聲楚客醒別墅種松隣紫



附  
仙

館晴窗揮筆注丹經

花

花開映江樓  
花落污江岸  
纔見蜂蝶喧  
倏見蜂蝶散

吾廬

白雲青嶂擁階除  
種藥栽松興有餘  
尋壑獨交林下鹿  
垂竿頻釣水中魚  
萬千往事空成夢  
七十衰年愛讀書  
不履渭橋名利跡  
肯教江鳥背吾廬

寂寞



煙霞寂寞只鋤園  
賴有高僧數過門  
山甕頗儲千日酒  
茅齋聊寄數家村  
盤風孤鶴雲中翥  
趁雨群鳧水上翻  
獨對野梅江月上  
暗催漁笛弄黃昏

重懷升菴長句三首

故國迢迢不得去  
并州蹤跡轉相親  
蜀城雲樹空牽夢  
滇海煙花別是春  
壁映星懸龍劍動  
嶺收雲繭鴈書頻  
莫思舊雨并今雨  
須看奔秦與避秦

二雨事舊而意新  
二秦事奇而思遠

金石雄摠宵漢浮  
詞華名響薄曹劉  
祇緣



蜀閣牽歸鴈無那滇船近狎鷗賈誼遭迴  
湘水冷屈原憔悴楚雲愁風流北海頻投  
轄感慨東都滂濁流  
霜橋雪嶺路相牽密樹濃花情可憐枕上  
關河通蝶夢江邊煙雨繫漁船雲輝文藻  
隨龍變海挾詩筒促鴈傳白首交盟須不  
冷生前相見定無緣

雜詠

丹徼孤城迥青山列畫圖江流同蜀字夢  
境逐吳趨蹴踘龍蛇繞登樓燕雀呼題詩



還縱酒吾道辱泥途

孟冬六日得升菴句當暫歸蜀中書  
信悵然長句遂書以刻之不俟升菴

批選也

鴈過龍尾音書遠馬度蠶叢道路長客久

滇雲為故國歸稀巴水似他鄉賜環幾

度消息迷夢從今忒渺茫獨對花時難

縱飲每停雲處欲沾裳

夜雨

丹徼連朝黑霧生川原寒水浸孤城江心



附作

三十三

浪湧魚龍懼樹杪風號鶴鶴驚瘡痛雕題  
貧徹骨逃亡黔首哭吞聲鐵樓寂寞衾裯  
冷濕鼓沉鐘夢不成

鐵樓藏書有感

藏書萬卷讀不盡白首光陰應可憐天地  
軋軋歲月久江漢悠悠魂夢牽高棟浮雲  
覆古戍綠潭流水通紅泉結繩年遠世網  
密朝星暮靄鋤山田

亂言

天胡傾孽海胡枯涸瘠哉威鳳餒矣靈鵲



六月飛霜老懷驚愕鳳須竹食鵲須粟啖  
慨古傷時清淚牽絲千秋萬載遺恨在茲

題毛氏三節

姑貞啓婦婦貞跂姑姑婦並操古歎今無  
南金白璧價重堪輿芝蘭霜雪樊蘊皎潔  
氣味光瑩肝腸冰蘖懿德潛輝絲絲瓜瓞  
桓桓嗣孫高亮靈溫黃樞蹇諤伏闕叫闈  
一門大節昭乾迪坤輝煌赤管萬古名存  
碧雞金馬鳳翥龍翻

偶過龍池暫覽



附  
仙

數過龍池岸雲飛不見龍  
偶來雲又散龍  
在別潭中

憶升菴暫爾歸蜀即欲還  
滇往跡今踪  
追思感慨悵然短述

東歸猶似未歸人返轡還  
經大渡津金馬

秋煙迷海樹錦官春雨溼  
江蘋黔中紙貴

因傳賦闕下名登為批鱗  
白當鄉城難

穩住驚心花鳥客愁新

題龍巖贈年家丈趙學憲  
長白一首

長歌一首附小序

詩  
三



山巖盤薄烟雲護豪傑登臨凌太虛東觀  
大名齊北斗霜臺清節逗冰壺龍音詞響  
星辰動鵬運風高海嶽孤越國舊遊驄馬  
路嘶聲猶自滿西湖

山形巽厲如真龍赤雲縹緲青霞籠雲中  
頻啼五色鳥霞外長吹五色風巖端忽有  
真龍占草木輝煌星斗現瓊樹瑤華霄漢  
空處處潭龍俱北面高人不許龍為宮驅  
蛭放患昌黎公揮文成稿真龍泣雷聲過  
後龍無迹高人構屋棲巖端巖前六月壺



冰寒赤雲青霞飛不散  
玄猿白鹿時盤桓  
藏書萬卷讀已盡  
提槩懷鉛懸正印  
高人棲巖巖愈高  
龍形虬錡增雄峻  
驅龍奮翼復來歸  
高人乘龍謁黃扉  
綠鬢驚看探花使  
曲江春宴生光輝  
瞻依北闕趨東觀  
江漢流傳收藻翰  
南國乘驄霜氣高  
越山崱嶭凌丹霄  
碧雞金馬山川曠  
鐵橋銅柱風雲  
馮文中之虎人中  
龍照耀赤麟滇  
海上包老鋼堅不  
作鉤生年五百遭  
靈貺經綸事業須  
伊周瑄瑤詞翰還  
曹劉勛



名爚煜雙龍闕文字方洋五鳳樓霖雨蒼  
生濟時了回首棲巖博山草餐霞煮鼎歲  
月長赤松黃石須相羊乘龍大醉訪蓬閣  
巖龍之勢常蔣蔣巖龍之勢常蔣蔣  
龍巖公督學滇會文教政條迥邁前軌  
士氣翕然振殆殊往昔焉公與我弟合  
同進士榜第於舍有情然所以忘貴而  
交賤者固不專於是公尚節義重隱逸  
溺文藻於舍為知己交也舍感公之知  
因慕公之巖巖以龍名名以為號題號



所以識感也詞蕪鄙何惡

三絕句

適野何所樂高枕曉窗紅得與徐劉輩狂  
歌作酒龍

海內多知己音書絕鴈鴻鄉間無過客門

巷長蒿蓬

霜鶴戀松柏春鳥護桃李花豔辨易落根

深樹難死

狂歌用栢梁體仲春朔遊龍池夜歸

衰年蹙躄力愈強春風占斷少年場韶光



紅綠麗青陽鳥飛雲社雲錦張龍盤四肢  
龍翼翔萬人爭觀白日長溧陽老馬并徐  
娘蹀躞窈窕同行花邊玉拍倒瓊觴舞  
裙歌扇清音揚取睽百步還穿楊射殺池  
頭老秃鶴豪遊興盡覺荒涼忽過城邊青  
豆房不妨爛醉臥禪牀酒醒窻前明月光  
微風蕩花襲羅裳夜歸露溼花穰穰通宵  
無寐興復狂海升紅旭照雕梁鐵樓遙望  
樹蒼蒼鐵樓遙望樹蒼蒼

兩絕句



處處桃李開盈盈還灼灼風雨一宵中花  
片盡零落  
園丁報花開愛此好消息花開春有情花  
落春無力

浩嘆

補裳盤甫線照國祀隋珠今代廟堂客斯  
又應有無

藩司王賓竹臬臺崔岷峨郭菊壇枉顧  
鐵樓春宴

小隊春風引上才先生桃李爛成堆杜陵



草閣嚴公駕狂客金龜李白杯繫柳雙驄  
聯二妙盤雲孤鶴護三台催詩細雨留佳  
客傾使明臺作吹臺

侍御西野公西巡枉駕白屋謹為閭巷  
之荒謠用酬雲霄之高誼詞不及情亦  
風紀才華盛耳故頌

驄馬經過赤徼城百蠻歡舞聽嘶聲道中  
豺虎無須論天上星辰識此行紫殿烏臺  
驚諫草霄麟霜廡護詩名龍池曉日虹橋  
月照耀乾坤萬里明



附

贈菊壇公

公詰戎永昌剛溫廉恕夷漢悅服乃一旦不得居其位而去詩其諛詞浮美乎殊可駭嘆

斧鉞旌旌動百蠻龍盤赤微鎖青山壇邊

菊色瑤華迸壺裏冰光玉樹環夢翊商霖

追傳說詩題海日照王灣簡書魚鳥驚霄

漢南斗輝煌北斗殷

花

園中花幾處高下一齊開露滴香不散細

遶明詩臺

蒼洱望雲長句并岷峨山人歌為憲

僉崔公作



書尺天邊鴻雁遠雨聲花下鷓鴣聞行臺  
獨對瑩瑩雪親舍遙停靄靄雲秋水春山  
憐赤檄椿庭萱樹映紅曛梁公心事關河  
杳鐵樹金泉曙色分  
君不見岷峨山高逼紫落千峯萬峰勢盤  
薄濯錦江流護錦城龍巖虎岫靖寥廓靈  
晶灑景摩青蒼瓊芝瑤草持芬芳鶴鳴丹  
水羽翰遠龍卧紫潭鱗甲光珠纒璧緯垂  
星宿碧雞金馬鍾奇秀艷瀕縈迴巫峽開  
鎖鑰封疆空宇宙山人棲山山益高山人



名姓通雲霄名姓輝煌南斗現寒光白晝  
翻驚濤山人離山名益重題柱橋邊覩麟  
鳳青驄萬里踏朱提豺狼縮朐山川動漫  
誇李勣作長城須知重譯送圖經霜臺儉  
用儒門教烏陣雄談武庫兵一時文藝凌  
騷雅馳騁曹劉繼班馬風流江漢欵高名  
四士英靈在其下甘澍亭孤綠樹團霜風  
六月壺冰寒勲功準擬齊周旦霖雨何勞  
數謝安功成身退須天道廊廟江湖本同  
調疏傳高蹤霄漢間萬里清風滿丹徼丹



徼清風不斷吹蜀中山盡增光輝山圖赤  
斧同年歲猿歡鶴喜相追隨五桂三槐須  
好在瓜瓞綿延千百代文章顏色照丹青  
山名籍籍踰崧岱

得木涇憲副上春自東吳寄來手書  
詞翰首夏聞公兵備瀾滄按部消息  
謹書長句特專私命齋上

南國烟開逢北鴈九龍波煥逆雙魚滇吳  
雲樹山川迥金石盟壇歲月徂醉月風流  
王內史著書消喝馬相如青蛉華馬經過



附作

地斧鉞輝煌萬里餘

永昌城中時事謠

時事喧傳動城郭外史剛腸須作惡泥中

鱖鱖一乘時勢擬湖龍恣盤薄同儕勢更

擬豺狼青山將崩水將涸萬口紛紛駭且

驚共怨日月不肯明國法泯滅天道傾天

道國法將奈何野翁提壺撫寒柯蹉跎歲

月更蹉跎

附作詩終

詩三續





附作詩續

銀鐙篇

銀鐙獨照開塵篋點檢陳編臨醉帖雲開  
霧散對詩臺白龍山映光如雪三更風起  
庭樹鳴五色輝煌池上月斷行驚鴈聲相  
喚悲鳴野鶴無群伴濁酒難消萬古愁時  
事一聞腸寸斷碧紛錦節臨重譯忍見瘡  
痍民菜色空磨寶劍迸龍光補天恨少媯  
皇石濟濟夔龍廊廟上推結雕題拊塗炭  
宵寒晝冷烏蟾催獨倚鐵樓瞰江漢





歛迹

鷗磯漁艖滄波客經歲經年長歛迹漫啣  
高枕笑浮生峯烟凝紫江湍碧流光如電  
鬢如霜不羈身世頗踈狂醉月迷花天地  
濶莊周胡蝶同飛揚揮毫閒注五千字道  
德經心無別事悵望青牛柱史翁紫氣函  
關在何處雅節冲襟空閉關蠻城寂寞對  
荒山山中瘴癘時時發道遞鍾陵不得還  
堪笑三千六百釣渭橋飛鳥輕華要暫隨  
舉世重炎涼亦賤龍鱗尊虎豹





鐵樓春日

鐵樓春日曉旭盈窗韶光紅綠照耀晴江

鐵樓夏日

鐵樓夏日南風徐來牕光滿眼峯露雲開

鐵樓秋日

鐵樓秋日涼颼滿空凶光如畫霜葉微紅

鐵樓冬日

鐵樓冬日霧積嵐叢海鴻山鴈數過國東

秋近不得升菴南來消息

虹樹

橋

虹樹晴樹映紅岑風雨夜深龍一吟藻翰



名高霄漢動關河書遠鴈鴻沈離滇定有  
還滇夢去國寧無為國心海上秋風消息  
近停雲江閣欲霑襟

自排

危堞蠻城俯突瀧梵宮隣近曉鐘撞雲拖  
亂雨斜侵戶巔處長虹下飲江粗飯白甌  
青竹猪野烟丹竈碧紗窗群鴉作態頻呼  
侶獨鶴閒眠不肯雙

握髓篇

霜風吹樹不肯歇紫苔荒徑堆紅葉黃蝶



翩翩黃菊殘綠蘿門巷黃昏月白沙白屋  
江村深紫霞青靄籠丹岑玄猿哀嘯白鶴  
舞青嶂蒼崖罩碧潯白頭豪吟白雪曲紫  
衣黃石來相尋開筵爛醉烏程酒烏鵲南  
飛星斗星斗光搖驚赤龍碧海白浪翻遙  
空乘龍行空海垂赤下瞰江湖與山澤地  
上風號翼虎鳴水中烟冷雛龍瘠

癸卯冬於連然與升菴為別倏十年  
矣壬子秋盡升菴句當還蜀無便無  
一書寄去便否亦無一書寄來悵然



賦此長句二首

癸卯連然離別處馬蹄霜雪路何如祇知  
離別逢霜雪豈料年年賦索居巖雲關月  
頻迷夢蜀鴈滇魚不寄書暮倚鐵樓秋氣  
動對頭斜雨入窻虛

留滯朱提萬里外得遊錦里半年餘馬度  
題槁歸路雪紗籠僧壁舊時書祇為停雲  
牽蜀夢還須返棹釣滇魚碧雞館舍相見  
否浮生踪跡應何如

淫雨



赤徼雨滂沱黑雲晝靉黳  
媯皇不補天神禹不鑿海天  
漏烏蟾圓海橫蛟龍泣烏蟾  
曷停輪蛟龍歲蟄

六言絕句二首

白首詩憐狂客紅泉水汎仙家  
鸚鵡盃中竹葉鳳翊琴裏梅花  
壯志才凌逸咒豪吟氣逼長虹  
失意秋風病驥倦飛山月歸鴻

春興

春煙滿園春色迷春柳盈蹊  
春草齊赤河



抱城野遠淨綠潭積沙鷗鷺棲故鄉  
寃夢遶鍾阜喬木家世憐雕題清齋習靜亦可  
惱隣樹驕鶯他亂啼

野情

馴堦伴幽禽放艇覓漁父縱杯共隣翁  
時藥親別圃不著相如書白首無消喝  
獨揮陶潛杯綠尊有斟酌

吳高河癸丑仲春獻賦澤宮下第孟秋  
歸家初冬有書見寄仲冬羽便援筆寫



長句四首寄答

三載天涯不寄書  
偶凭江閣見雙魚  
南宮獻賦風雲阻  
北海開尊故友踈  
漆吏空成胡蝶夢  
璜夫深識渭川魚  
虹橋寂寞龍關遠  
鴻鴈寒飛雨雪初  
濛濛細雨牽愁思  
靄靄停雲嘆索居  
楚客山中空抱玉  
鄴侯家內只藏書  
蒼顏夜雪迷城夢  
黑水晴波汎鯉魚  
廊廟江湖非生  
日青烟紅旭滿  
牕虛  
榉榆城邊白石橋  
陵嶂鶴骨非矜  
驕準擬



橋名易馬馬無那鶴唳通雲霄憂時空迸  
賈生淚尋僊忽聞秦女簫龍潛月憶點蒼  
雪黃昏溪梅魂暗消  
憶昨傾蓋古滇城霜鴈橫空雪鶴鳴回首  
十年成夢境消魂千里負詩盟取睽踟躕  
身還健烏盪蟾磨歲屢更江月昏昏江水  
黑白漚黃鳥惣關情

得東吳銀臺石川宗文見寄書函詞  
什短述二首寄答

萬里神交不得見顧我避世棲墻東望鴈



亭雲野山隔烹魚得書流水通雋上才華  
固倚馬瓊瑤詞翰其雕龍移家祇好近顏  
闔尊酒焉能隨孔融

東吳都會道路遠南國鐵樓煙雨秋萬金  
家書此所擬九霄鵬翻其難傳朝廷不起  
謝安石鄉里共推陳太丘青黃文藻媿丹  
徼虹橋牛坪光燭浮

覽石川峴山入社詩次韻一首寄上  
雲裏輝光擁敞廬瑤函道遞北來初詩賡  
南越東吳社文紀三墳八索書廊廟江湖



憐出處天時人事識盈虛着碁不解傍觀  
意對客從教禮法踈

詩凡

世道降詩道亡樂而淫哀而傷惡則隱善  
則揚曰其厚曰匪狂躬罔離譽斯彰合則  
福悖則戕寵鴟鴞囚鳳皇賤龍麟尊虎狼  
諤諤危諾諾昌剛且戇害深藏覓許由追  
務光講帝鴻論陶唐歌考槃詠滄浪宇宙  
潤世茫茫保性命歲月長  
傳家不幸生長於現龍之耀郡漆齒之



選圻杜門斂迹留心於周臧楚讀之圃  
適野逃名不履乎公府市塵之路猶為  
鄉中二三冠裳者力議而窮詆焉陶潛  
曰性剛才拙與世多忤屈原曰世濁獨  
清衆醉獨醒不其然乎止謗自修君子  
事也固不敢以年逾七袞之外家無一  
成之田遂自棄而不修也登樓感慨思  
聖哲之往迹懷秣陵之家世悵然口占  
長句一首

臘月六日登鐵樓山桃山茶花氣浮乘桴



執鞭嘆魯叟藏舟吹劍憐莊周龍池樹紐  
若左袵虎方水逆多西流萬里雲開望鍾  
阜故國關河牽我愁

寄贈侍御西野公長句

烏臺風紀丹徼外攬轡那知關塞遙  
馳馬霜搏金馬路翔麟烟擁赤麟霄  
詩名絕代追陶謝勛業何時並管蕭  
瞻落共推溫御史春來消息在趨朝

甲寅立春

海上新春歸舊年寂莫情懷愁緒牽  
錢樓



檐影迸紅旭銀硯墨光浮綠烟獨鶴閒眠  
古松杪羣雀亂喧叢棘巔兩京梅發非所  
憶瘡痍雕題應可憐

疊韻荅鹿泉兵憲公見贈

斧鉞藩翰聲價收山夔縮朐冠虎憂驄馬  
迸蹠赤徼迥栢臺飛霜朱夏流金甌覆名  
此所待燕然勒銘其暫留好空北海孔融  
酒須諫東山李白樓

木涇公數有東至贈謝二首

金馬碧雞傾蓋後東吳南楚夢魂牽天長



鴻鴈傳書信電速烏蟾感歲年命世詩才  
 凌甫白擬經文字並軻遷青華石壁鐫詞  
 翰龍鶴盤桓虎鳳懸  
 隴頭驛使通書易海上盟壇見面難萬里  
 一驄丹徼動赤霄朱鳳九盤霞關河迷夢  
 春宵短江閣停雲夏日寒世故苦隨碁局  
 變鮑頭船鎖釣魚潭  
 得襄陽兵憲李湫南書寄贈  
 雙鴿傳書萬里外開函猶似夢中時峒堯  
 嵩嶽連衡嶽惆悵滇池憶習池翰墨詞壇



星斗獲旌旗  
驄馬雪霜馳  
郊局小墜牽詩  
興古栢鶴棲羊祜祠

白龍山觀泉感悵

茲山四時吐黃烟  
白泉紫泉紅綠泉  
泉通樹杪鶴鶴響  
烟撲草根麋鹿眠  
彈琴吹簫有何意  
阮籍王喬俱可憐  
僊踪渺茫曠達

遠擾擾浮生空百年

春暮

今年春暮天氣冷  
凍雀飢鳥應可憐  
杜甫詩篇空漫興  
陶潛富貴且浮烟  
短墻不礙



附作詩終

隣雞過高樹從教海鶴眠  
蹇諤隱淪俱寂莫乾坤江漢祇茫然

絕句

剛客投楚玉作石閻人亡秦鹿為馬古今  
萬事不足談瀟灑惟尋閑闕者

附作詩續終









